

金鑑訂正金匱注下及正誤存疑

刪補名醫方論

原在金匱卷末似後人補入
禽獸虫魚草木金石治

7

○

訂正仲景全書金匱要畧註中之一目錄

奔豚氣篇第八

桂枝加桂湯

奔豚湯

茯苓桂枝甘草大棗湯

胸痺心痛短氣篇第九

栝蒌薤白白酒湯

栝蒌薤白半夏湯

烏頭赤石脂圓

薏苡附子散

茯苓杏仁甘草湯

橘皮枳實生薑湯

枳實薤白桂枝湯

人參湯

桂枝生薑枳實湯

腹滿寒疝宿食篇第十

附子粳米湯

赤丸

厚朴三物湯

大黃附子湯

厚朴七物湯

大柴胡湯

烏頭煎

當歸生薑羊肉湯

烏頭桂枝湯

瓜蒂散

五藏風寒積聚篇第十一

麻子仁圓

甘草乾薑茯苓白朮湯

驚悸吐衄下血胸滿瘀血篇第十二

栝葉湯

瀉心湯

黃土湯

桂枝去芍藥加蜀漆牡蠣龍骨救逆湯

金匱要略廿四廿五兩門原列在卷末其文似後人補入註家或註或刪但傳世已久難以削去仍附原文另為一篇以存參攷云

禽獸蟲魚禁忌並治第廿四

凡飲食滋味以養於身食之有妨反能為害自非服藥煉液焉能不飲食乎切見時人不閑調攝疾疫競起若不因食而生苟全其生須知切忌者六所食之味有與病相宜有與身為害若得宜則益體害則成疾以此致危例皆難療凡煮藥飲汁以解毒者雖云救急不可執飲諸毒病得熱更甚宜冷飲之

肝病禁辛心病禁鹹脾病禁酸肺病禁苦腎病禁甘註此言五臟有病而禁之以五味何也肝木病若與之以辛辛助肺氣恐尅肝也故肝病則禁辛心火病若與之以鹹鹹能益水恐水尅火也故心病則禁鹹脾土病若與之以酸酸味屬肝恐木尅土也故脾病則禁酸肺金病若與之以苦苦味屬火恐尅金也故肺病則禁苦腎水病若與之以甘甘能補脾脾主尅水故腎病則禁甘

春不食肝夏不食心秋不食肺冬不食腎四季不食脾辨曰春不食肝者為肝氣王脾氣敗若食肝則又補肝脾氣敗尤甚不可救又肝王之時不可死氣入肝恐傷魂也若非王時即虛以肝補之佳餘藏準此註此言四時有宜食有不宜食者如春為肝王則脾弱故宜食脾而不宜食肝若食肝則肝益王而脾更弱故曰不可救又云肝王之時不可以死氣入肝即內經毋伐天和之意若伐天和則傷肝肝主魂恐復傷魂也若非王時即虛則以肝補肝故謂之佳餘藏準此

凡肝藏自不可輕噉自死者彌甚註謂諸畜獸臨殺之時心有所驚肝有所忿食之俱不利故曰不可輕噉如獸自死者必中毒而死更不可食也凡心皆為神識所舍勿食之使人來生復其對報矣註人與物雖別而食生畏死之心則一也惟其心為神識所舍故曰勿食之

凡肉及肝落地不著塵土者不可食之○猪肉落水浮者不可食之○猪肉不乾火炙而動見水自動者不可食之○六畜肉熱血不斷者不可食之○諸五藏及魚投地塵土不污者不可食之註以上五條皆怪異非常必不可食之

諸肉及魚若狗不食鳥不啄者不可食之註凡禽獸不食之肉必有毒不可食之○肉中有如朱點者不可食之註朱點惡血所聚此色惡不食也○父母及本身所屬之相不可食食之令人神魂不安註此為仁人孝子之心也○食肥肉及熱羹不可飲冷水註食肥肉熱羹後繼飲冷水冷熱相搏膈膈不行不腹痛吐利必成瘕變積慎之慎之○穢飯餒肉臭魚食之皆傷人註言敗腐之物皆不宜食也○自死禽獸口閉者不可食之註凡自死之物其肉皆有口閉則毒不得外泄切不可食○六畜自死皆疫死則有毒不可食之註疫毒能死六畜其肉必有疫毒故不可食○獸自死北首及伏地者食之殺人註凡獸北向自死及死不僵而伏地者食之多殺人○食生肉飽飲乳變白蟲註食生肉飽即飲乳酪則成濕熱必變生白蟲○疫死牛肉食之令病洞下亦致堅積宜利無下之註疫死牛肉有毒不可食食之若洞瀉為其毒自下

飽即飲乳酪則成濕熱必變生白蟲○疫死牛肉食之令病洞下亦致堅積宜利無下之註疫死牛肉有毒不可食食之若洞瀉為其毒自下

脯藏米甕中有毒及經夏食之發腎病註脯肉藏米甕中受濕熱鬱蒸之氣及經夏已腐者食之腐氣入腎故發腎疾

治自死六畜肉中毒用黃蘗搗屑取方寸匕服之註六畜自死肉中有毒者以此方服之苦能解毒也

治食鬱肉漏脯中毒方燒犬屎酒服方寸匕○每服人乳汁亦良○飲生韭汁三升亦得註鬱肉密藏經宿之肉也漏脯經漏水之脯也

食之中毒以燒犬屎人乳汁生韭汁量其輕重而解之○治黍米中藏乾脯食之中毒方大豆濃煮汁飲之數升即解亦治狸肉漏脯等毒

註同上鬱肉大豆汁亦能解毒○治食生肉中毒方掘地深三尺取其下土三升以水五升煮數沸澄清汁飲一升即愈註地漿能解諸毒

毒掘得黃土有泉滲出謂之地漿三尺大概言也未見黃土皆穢土得黃土乃可取用○治食六畜鳥獸肝中毒方水浸豆豉絞取汁服數升愈註食禽肉獸肝中毒在胃故用豆豉涌吐其毒

馬脚無夜眼者不可食附錄一名註凡馬皆有夜眼若無者其形異故勿食之○食酸馬肉不飲酒則殺人註馬肉味酸有毒故飲酒以解之○馬肉不可熟食傷人心註馬屬火肉熱火甚恐傷心當冷食之○馬鞍下肉食之殺人註鞍下肉久經汗漬有毒食之殺人○白馬黑頭者不可食之註食瘡云食之令人癩○白馬青蹄者不可食之註白馬青蹄騎之不利人食之必取害故不可食○馬肉純肉共食醉飽即

大忌註馬肉屬火純肉屬水共食已屬不和若醉飽即則傷脾氣故曰大忌○驢馬肉合猪肉食之成霍亂註諸肉雜食恐難消化亂於腸胃故成霍亂○馬肝及毛不可妄食中毒害人註漢史云文成食馬肝而死故曰不可妄食恐中其毒也

治馬肝毒中人未死方馬肝一名懸瓊雄鼠屎二十七粒末之水和服日再服註馬食鼠屎則腹脹是鼠能制馬也是故中馬肝毒以此解之又方人垢取方寸匕服之佳註人垢即人頭垢也用方寸匕酒化下得吐為佳○治馬肉中毒欲死方香豉二杏仁三

二味蒸一食頃熟杵之服日再服方日華子云黑豆調中下氣治牛馬瘧毒杏仁下氣氣下則毒亦解矣又方煮蘆根汁飲之良註蘆根味甘性寒解諸肉毒○疫死牛或目赤或黃食之大忌註牛疫死目或赤或黃疫毒甚也大忌食之○牛肉共猪肉食之必作寸白蟲註牛肉共猪肉食之脾胃濕熱者能生寸白蟲當戒之○青牛腸不可合犬肉食之○牛肺從三月至五月其中有蟲如馬尾割去勿食食之損人註凡牛腸肺值三月至五月濕熱交蒸之時必生其蟲戒勿食之○牛羊猪肉皆不得以楮木桑木蒸炙食之令人腹內生蟲註古人煉藥多用桑柴火楮實子能健脾消水楮木亦可燒用何以蒸炙諸肉食之即生蟲乎其或物性相反也○噉蛇牛肉有毒食之殺人不可食註噉蛇牛何以識認惟毛髮向後順者是也

治噉蛇牛肉食之欲死方飲人乳汁一升立愈以泔水洗頭飲一升愈牛肚細切水一斗煮取一升煖飲之大汗出愈註人乳能解

馬肝牛肉之毒用頭垢吐其毒而愈用牛肚不甚善○治食牛肉中毒方甘草煮汁飲之即愈防甘草味甘能解百毒

者不可食之註羊肉生熱者其人面黃

胡要同食爛人臍註胡要與猪肉不可同食不可多者恐動風疾云爛人臍此義未詳○猪脂不可合梅子食之註猪脂滑利梅子酸瀉性相反也故不可合食○猪肉合葵食之少氣按此義未詳○鹿肉不可合蒲白作羹食之發惡瘡註鹿肉性溫九月至正月堪食他月食之則冷痛如和蒲作羹食之發惡瘡此義未詳○麋脂及梅子若孕婦食之令子青盲男子傷精註李彪曰人目以陰為體以陽為用麋脂獸也梅子及李味酸苦亦屬陰類孕婦三物合食陰氣太盛陽氣絕少故令子青盲也男子精氣宜溫煖陰盛則精寒本草云麋脂令陰痿按麋蹄下有二竅為夜目淮南子云孕婦見麋而生子四目今三物合食令子青盲皆物類相感胎教慎之○麋肉不可合鰕及生菜梅李果食之傷人註麋肉性溫八月至十一月食之勝羊肉餘月食之動氣鰕能動風生菜梅李動痰合食之皆令人病○白犬自死不出舌者食之害人註凡犬死必吐舌惟中毒而死其舌不吐毒在肉也故食之害人○瘡疾人不可食熊肉令終身不愈註人有瘡疾不可食熊肉因熊性猛悍食之瘡疾永不除○食狗鼠餘令人發瘰癧註狗鼠食物有餘存者其物必有涎滴因涎有毒人若食此物必發瘰癧

治食犬肉不消心下堅或腹脹口乾大渴心急發熱妄語如狂或洞下方杏仁一升合皮以沸湯三升和取汁分三服利下兩片大驗

解此以相長相制之義也犬肉畏杏仁故用此而諸証悉除矣○婦人妊娠不可食兔肉及鼈雞鴨令子無聲音註妊娠食兔肉令子缺唇食鼈肉令子短項食羊犬令子多熱食雞鴨令子無聲音此數者妊娠皆不當食也

兔肉不可合白雞肉食之令人面發黃註兔肉酸寒多食損元氣絕血脈令人萎黃白雞雖得庚金太白之象實屬風木能助肝火二物合食動脾氣而發黃故不可合食○兔肉者乾姜食之成霍亂註兔肉酸寒陰性也乾姜辛熱陽性也性味相反同食者必成霍亂○凡鳥自死口不閉翅不合者不可食之註諸鳥自死必閉口飲翅若開口張翅恐有毒不可食○諸禽肉肝青者食之殺人註肝青者被毒所傷若食之必殺人○雞有六翮四距者不可食之註雞有六翮四距者不可食之

不可合胡蒜食之註雞蒜同食能動風動痰發動故氣滯○山雞不可合鳥獸肉食之註山雞食蟲蟻有毒與鳥獸肉相反故戒合食○雉肉久食令人瘦註雉肉小毒發瘡疥生諸蟲以此則令人瘦○鴨卵不可合鼈肉食之註二物性寒冷氣不可合食○雀肉不可合李子食之註雀肉性煖大溫李子性寒味酸溫得寒酸而滯氣故不可合食○婦人妊娠食雀肉飲酒令子淫亂無恥註雀之性淫酒能亂性妊娠當戒食之古慎胎教也○燕肉勿食入水為蛟龍所噉註蛟龍嗜燕人嗜燕者不可入水雷公曰海竭江枯投游波而立泛以蛟龍嗜燕故也

凡渡江海者切不可食燕肉

鳥獸有中毒箭死者其肉有毒解之方 大豆煮汁及鹽汁服之解

解箭傷有毒凡鳥獸被箭死者肉毒人食之先服鹽汁次服豆汁解不

及者死

魚頭正白如連珠至者上食之殺人○魚頭中無顛者不可食之殺人○魚無腸胆者不可食之三年陰不起女子絕生○魚頭似有角者不可食之○魚目合者不可食之註以上皆怪異之形色必有毒也

六甲日勿食鱗甲之物註六甲值日食鱗甲物犯其所忌故曰勿食○魚不可合雞肉食之註魚屬火善動雞屬木生風風火相煽故勿合食

○魚不得合鸕鷀肉食之註鸕鷀嗜魚凡物相制相犯者皆不可合食○鯉魚鮮不可合小豆霍食之魚子不可合猪肝食之害人註小豆霍即

○鯉魚不可合大肉食之○鯽魚不可合猴雉肉食之○鯢魚合鹿肉生食令人筋甲縮○青魚鮮不可合胡荽及生菜并麥醬食○鰱魚不可合白犬肉食之註以上六條皆能助熱動風合食俱不宜

龜肉不可合酒菓子食之註龜多神靈不可輕食若酒菓合食更非所宜也○鼈目四陷者及腹下有王字形者不可食之其肉不得合雞鴨

食之註鼈無耳以目為聽目四陷及腹下有王字形者皆有謹慎之性與雞鴨相反故不可合食○龜鼈肉不可合芫菜食之註龜鼈皆與芫菜

相反若合食之必成鼈瘕○鰕無鬚及腹下通黑者之反白者不可食之註無鬚腹黑反白者怪異之鰕也故不可食

食膾飲乳酪令人腹中生蟲為瘕註膾乃牛羊魚之腥羶而切之為膾乳酪酸寒與膾同食則生蟲為瘕故戒合食

膾食在胃不化吐不出速下除之久成瘕病治之方 橘皮註兩 大黃註兩 朴梢註兩 右三味以水一大升煮至小升頓服即消 註橘皮解

魚毒得硝黃使下從大便而出也 食膾多不清結為瘕病治之方 馬鞭草 右一味搗汁飲之 或以薑葉汁飲之一升亦消又可服吐藥吐之 註馬鞭草主治瘕癖血瘕

破血殺蟲姜葉解毒皆可用之 食魚後食毒兩種煩亂治之方 橘皮濃煎汁服之即解 註橘皮味苦辛溫下氣通神故能解毒○食鯀鯀魚中毒方 蘆根煮汁服之

即解 註鯀鯀即河豚魚味美其腹腴呼為西施乳頭無腮身無鱗其肝毒血殺人脂令舌麻子令腹脹眼令目花惟蘆根汁能解之

蟹目相向足斑目赤者不可食之註蟹目相背者目相向足斑目赤者有毒故戒勿食 食蟹中毒治之方 紫蘇煮汁飲之三升 紫蘇子搗汁飲之亦良 冬瓜汁飲三升食冬瓜亦可 註紫蘇冬瓜俱能解蟹毒故用之

凡蟹未遇霜多毒其熟者乃可食之註蟹未經霜有毒不可生食經霜則無毒 蜘蛛落食中有毒勿食之註蜘蛛有毒凡落食上不可食有毒故也

凡蜂蠅蟲蟻等多集食上食之致癰註蟲類有毒凡蟲集食上者食之則致癰 果實聚穀禁忌並治第二十五

內經曰天食人以五穀地食人以五味果實聚穀皆地產也又云五穀為養五果為助五菜為充是以草實曰蔬木實曰果實云云稟曰新之藥

果子生食生瘡註果生之性多淫多熱而有毒或生食之故令生瘡腹脹作泄

果子落地經宿蟲蟻食之者人大忌食之註凡果落地隔夜尚不可食而況蟲蟻食者乎見之者切不可食

生果停留多日有損處食之傷人註凡食之物停留多日或隔夜者若有損處即蟲鼠所嚙之餘皆有毒傷人

桃子多食令人熱仍不得入水浴令人病寒熱淋瀝病註桃味甘酸性熱若多食者令人熱入水浴者則濕與熱相搏不得宣散故令人外寒

熱內成瘰癧也○杏酪不熟傷人註杏味苦酸有毒酪釀未熟若食之恐害人也○梅多食壞人齒註梅味苦酸若多食者令人齒損

齒者骨之餘也因腎主液而合骨故傷齒○李不可多食令人腹脹註李味酸澀若多食則中氣不舒故令人腹脹○林禽不可多食令人百

脈弱註林禽味酸澀多食則令百脈不得宣故脈弱○橘柚多食令人口爽不知五味註當書注小曰橘大曰柚二者其味皆酸而性寒若過

食則口雖爽而五味不知焉○梨不可多食令人寒中金瘡產婦亦不宜食註梨味甘酸性寒若過食則令人中焦寒金瘡產婦皆宜戒之○

櫻桃杏多食傷筋骨註櫻桃杏味酸性寒若過食則傷筋骨內經云酸則傷筋寒主傷腎故傷筋骨○安石榴不可多食損人肺註安石榴味

酸澀酸澀則氣滯肺主氣宜利而不宜滯滯則傷損矣故不可過食也○胡桃不可多食令人動痰飲註程林曰胡桃潤肺消痰何以動痰飲

因其性熱多食則令人火動煎熬津液而為痰飲矣○生棗多食令人熱渴氣脈寒熱羸弱者不可食傷人註棗性熱生渴味甘生滿羸弱

者內熱必盛脾胃必虛故令人寒熱故不可食○食諸果中毒治之方註猪骨煨右一味為末水服方寸匕亦治馬肝及漏脯等毒解以猪

骨治果子毒物性相制使然治馬肝毒者以猪畜屬水馬畜屬火此水剋火之義也治漏脯毒者亦骨肉相感之義耳

木耳赤色及仰生者勿食○菌仰卷者及赤色者不可食註木耳諸菌皆覆卷而生若仰卷而生形色皆異必有毒也故不可食

食諸菌中毒悶亂欲死治之方註人薑汁飲一升 土漿飲一二升 大豆濃煮汁飲 服諸吐利藥並解解專註曰悶亂欲死毒在胃也

服吐利藥並解使毒氣上下分消也

食楓樹菌而笑不止治之以前方解專註曰心主笑笑不止是毒氣入心也以前方治之則解耳

誤食野芋煩亂欲死治之以前方解專註曰煩出於肺煩亂欲死故知毒氣入肺也亦用前方

蜀椒閉口者有毒誤食之戟人咽喉氣病欲絕或吐下白沫身體痺冷急治之方註肉桂煎汁飲之 多飲涼水一二升 或食蒜 或濃煮

豆豉飲之並解解蜀椒味辛辣性熱有毒閉口者其毒更甚如桂與蒜皆大辛熱之物通血脈辟邪穢以熱治熱是從治之法也冷水清

涼解熱地漿得土氣以萬物本乎土亦莫不復歸於土見土則毒已化矣飲豉汁者吐以去其毒也

正月勿食葱令人面生游風註葱味辛散通陽氣而走頭面食生葱過於發散故面生游風○二月勿食麥傷人腎註麥味辛散辛能走腎二

月卯木主令腎主閉藏若食之則傷腎故曰勿食○三月勿食小蒜傷人志性註蒜辛熱有毒毒氣傷神三月陽氣盛故勿食○四月八月勿

食金匱要略註下之三

食胡菜傷人神

胡菜辛溫開竅四月陽氣盛八月陽氣斂若食此辛散之味必傷神也○五月勿食韭令人乏氣力註韭春食則香夏食則臭是月食之則乏氣力○五月五日勿食一切生菜發百病註五月五日天中節是日純陽人當養陽以順時若食生菜是伐天和故百病發焉○六月七月勿食菜羹傷神氣註菜羹辛熱走氣六月陽氣盛張七月陰微將斂若食此辛熱之味有傷神氣也○八月九月勿食薑傷人神註薑性熱味辛辣八九兩月秋主收斂過於辛散故傷人之神朱子晦菴云秋食薑失人天年謂其辛走氣瀉肺也○十月勿食椒損人心傷人脈註椒性熱味辛辣十月陽氣盡斂若食此辛熱之味必損心傷脈○十月勿食被霜生菜令人面無光目澀心痛腰疼或發心瘧瘧發時手足十指爪皆青困萎註道藏云六陰之月萬物至此歸根復命以待來復不可食寒生冷生菜性冷經霜則寒若食此是伐天和故有此等證○十一月十二月勿食薤令人多涕唾註薤味辛散走肺氣食之令人多涕唾○四季勿食生葵令人飲食不化發百病非但食中葯中皆不可用深宜慎之註脾旺寄於四時之季月生葵滑利傷脾若食之則飲食不化而發百病

慈韭初生芽者食之傷人心氣註初生芽者含抑鬱而未透發故食傷心氣○飲白酒食生韭令人病增註酒多濕韭性熱濕熱相合令人病增○生葱不可共蜜食之殺人獨賴蒜彌甚註慈蒜皆不可共蜜食若共食令人利下○果合生葱食之令人病按此義未詳

○食糖蜜後四日內食生葱韭令人心痛註蜜與葱及韭皆相反雖食蜜後四日內猶忌之若犯令人心痛○生葱和雄雞白犬肉食之令人七竅經年流血註李杲曰此皆生風發火之物若合食則血氣更渾溢不和故七竅流血○夜食諸薑蒜蔥等傷人心註此皆辛熱辣物夜屬陰氣主收斂不宜食而食之則擾陽氣故曰傷人心○蕪菁根多食令人氣脹註此言不可過食若過食則動氣而脹也○薤不共牛肉作羹食之成痼病非亦然註薤韭同牛肉食皆難化積而不消則成痼瘕○蓴多食動痔病註蓴性滑有毒滑而易下故發痔病○野苣不可同蜜食之作內痔註野苣味苦性寒若同蜜食必成內痔○白苣不可共酪同食作蟲蟲註白苣味苦性寒乳酪味甘性熱一寒一熱而成濕濕成則生蟲故曰不可食○黃瓜食之發熱病註黃瓜多濕有毒程林曰動寒熱虛熱天行熱病及病後皆不可食○葵心不可食傷人葉尤冷黃背赤背赤莖者勿食之註葵心有毒背葉反常亦有毒不可食○胡荽久食之令多忘註胡荽辛溫開竅久食耗心血故令多忘○病人不可食胡荽及黃花菜註胡荽耗氣黃花菜破氣耗血皆病人忌食○芋不可多食動病註芋滯有毒多食則脾困而脹生故戒多食○妊娠食薑令子餘指註餘指手多一指也薑形類指物性相感如此○蓴多食發心病註蓴和生魚食之令人奪氣陰核疼痛註孫思邈曰食蓴過多有毒發心病以氣味辛溫故也生魚鮮屬合食則相犯奪氣也陰核痛亦濕熱致病耳○芥菜不可共兔肉食之成惡邪病註凡物性相反不可同食同食則成惡邪病○小蒜多食傷人力註小蒜辛溫小毒若多食氣散故傷心力

食躁式躁方按食躁式躁之式字當是或字應改之註食躁或躁者即今之食後時或惡心欲吐不吐之病也故以鼓湯吐之鼓濃煮汁飲之○鈎吻與芹菜相似誤食之殺人解之方註太陰之精名曰鈎吻入口則死註葛洪云鈎吻生處無他草莖上有毛按薺尾八右一味水六升煮取二升溫分二服

春秋二時... 蛇三五枚... 蛇生波澤之中... 蛇雖變化莫測其精焉能入此大抵是蜥蜴也... 蛇春夏之交遺精於此耳且蛇嗜芹尤為可證按外台

秘要云蛇龍子生在芹上誤食入腹變成龍子飴粳米杏仁乳餅煮粥食之吐出蛟子大驗張機用硬糖治之改本草並無硬糖當是粳米飴糖無疑二物味甘甘能解毒是也

食苦飴中毒治之方 黍稷煮汁數服之解 註風俗通云燒稷可以殺飴又云種瓜之家不燒漆物性相畏有如是也人過食苦飴吐利不止者以黍稷汁解之本諸此

扁豆寒熱者不可食之 註扁豆性滯而補如患寒熱者忌之 〇久食小豆令人枯燥 註小豆即赤豆也性主利水久食令肌膚枯燥 〇食大豆忌噉猪肉 註大豆即黃豆也若同猪肉食之則閉氣故忌之小兒尤當忌之 〇大麥久食令人作癰 註李時曰癰疥同蓋麥入心久食則心氣盛而內熱內經曰諸瘡瘍皆屬心火故作癰 〇白黍米不可同飴蜜食亦不可合葵食之 註黍米多熱多食心煩飴蜜味甘多食中滿食癰云黍米同葵食成癰疾物性相反如此 〇救麥麴多食之令人髮落按此義未詳 〇鹽多食傷人肺 註鹽味鹹過時傷肺發嗽哮喘 〇食冷物冰入齒 〇食熱物勿飲冷水 註寒熱相搏脾胃乃傷 〇飲酒食生蒼耳令人心痛 註酒性純陽蒼耳有毒苦先入心飲酒以行其毒故心痛 〇夏月大醉汗流不得冷水洗着身及使扇即成病 註夏月飲酒汗流則腠理開若浴水及使扇寒風相搏或即成黃汗或即成漏風戒之慎之

〇飲酒大醉灸腹背即令人腸結 註灸家云毋灸大醉人即此義也 〇醉後勿飽食 註寒熱 〇醉則肝胆之氣肆行木來侮土故曰勿飽食發寒熱 〇飲酒食猪肉卧秫稻穰中則發黃 註酒性多濕多熱飲酒食肉則濕熱交蒸於中官卧秫稻穰中則濕熱困於外故發黃也 〇食飴多飲酒大忌 註諺云酒家忌甘此義未詳 〇凡酒及水照見人影動者不可飲之 註見此影動者乃怪異也切不可飲之 〇醋合酪食之令人血癢

註酪性粘滯醋性酸收故令成血癢 〇食白米粥勿食生蒼耳成走注 註白米粥蒼耳子同食成走注病必然性味不合也 〇食甜粥已食鹽即吐 註粥甘鹽鹹先食甜已後過食鹽即吐理必然也 〇犀角筋攪飲食沫出及澆地墳起者食之殺人 註抱朴子云犀食百草及眾木之棘故知飲食之毒若攪飲食沫出者必有毒也澆地墳起者此怪異也故食之殺人

飲食中毒煩滿治之方 苦參 三 苦酒 一升 右二味煮三沸三上三下服之吐食出即差 〇食食食多不消心腹堅滿痛治之方 鹽 升 水 升 右二味煮煩滿自除 又方 犀角湯亦佳 註中毒煩滿毒在胃中犀角解胃中毒 〇貪食食多不消心腹堅滿痛治之方 鹽 升 水 升 右二味煮

令鹽消分三服當吐出食便差 〇鹽能軟堅又能涌泄堅滿自除 〇食食食多不消心腹堅滿痛治之方 鹽 升 水 升 右二味煮

礬石生入腹破人心肝亦禁水 註礬石酸澀無故用之傷心肝礬得水則化物性相畏故亦禁水 〇商陸以水服殺人 註商陸大毒能行水而忌水服物性相惡而然 〇葶藶子傳頭瘡約氣入腦殺人 註葶藶大寒雖能傳瘡殺蟲約氣毒能下行則瘡毒亦內攻入腦矣故殺人 〇水

金匱要略註下之三

銀入人耳及六畜等皆死以金銀著耳邊水銀則吐註水銀大毒入耳則沈經墜絡皆能死人以金銀著耳門引之則吐出物性感召之理猶磁石之引針也○苦棟無子者殺人註苦棟有雌雄兩種雄者無子根亦有毒服之使人吐不能止有至死者雌者有子根白微毒可入藥用凡諸毒多是假毒以投無知時宜著薺尾甘草汁飲之通除諸毒約註凡諸毒多借飲食以投毒而服毒之人原自不知若覺之則時時煮甘草薺尾湯飲之以二物能解草石百毒也

卷二十五

訂正仲景全書金匱要略註正誤存疑篇

金匱要略一書其世遠而就闕誤也與傷寒論等如聲訛之聲字與緩中補虛用大黃蟅蟲圓主之之類俱不可以為法爰加斟酌其改移刪補諸式與夫存疑之二十八條悉倣傷寒論敘次云

金匱要略正誤

藏府經絡先後第一

師曰病人語聲寂然喜驚呼者骨節間病語聲嗜嗜然不徹者心膈間病語聲啾啾然細而長者脾中病按頭中病之頭字當是腹字經中從無頭中病之文且文義不屬當改之○師曰吸而微數其病在中焦是也當下之即愈虛者不治在上焦者其吸短在下焦者其吸促此皆難治呼吸動搖振振者不治按吸促之促字當是遠字吸遠之遠字當是促字方合病義當移之○問曰寸脈沈大而滑沈則為寒滑則為氣定氣相搏氣入藏即死入府即愈此為卒厥何謂也師曰唇口青身冷為入藏即死如身和汗自出為入府即愈按寸脈沈大而滑沈則為寒滑則為氣定氣相搏之十八字文理不順衍文也當刪之血氣入藏之血字當是厥字始與卒厥相合當改之○問曰陽病十八何謂也師曰頭痛項腰脊臂脚痺痛陰病十八何謂也師曰欬上氣喘咳咽膈脹滿心痛拘急五藏病各有十八合為九十病人又有六微微有十八病合為一百八病五勞七傷六極婦人三十六病不在其中清邪居上濁邪居下大邪中表小邪中裡總之邪從口入者宿食也五邪中人各有法度風中於前寒中於暮濕傷於下露傷於上風令脈浮寒令脈急濕傷皮腠濕流關節食傷脾胃寒傷經絡熱傷絡按字與無聲字當是聲字聲音傾側水也後之積聚門聲氣之聲字亦誤○問曰病有急當救裏救表者何謂也師曰病醫下之續得下利清穀不止身體疼痛者急當救裏後身體疼痛消便自調者急當救表也按此條註詳見傷寒論太陰篇內故不復釋

痙濕喝第二

病者身熱足寒頭項強急惡寒時頭熱面赤目赤獨頭動搖卒口噤背反張者痙病也若發其汗者寒濕相搏其表益虛即惡寒甚發其汗已其脈如蛇按痙病也之下諸句與上文義不屬與後條之為欲解脈如故諸句文義相屬宜分於彼

太陽病發熱無汗惡寒者名曰剛症其反惡寒之反字衍文也現運病之條自知當惡寒也宜刪之若其汗者寒濕相搏其表益虛即惡寒甚發其汗已其脈如蛇暴脹腹大者為欲解脈如故反伏弦者瘧暴脹腹大者五字衍文也當刪之

瘧病第四

師曰瘧脈自弦弦數者多熱弦遲者多寒弦短緊者下之差弦遲者可溫之弦浮緊者可發汗針灸也弦澀大者可吐之弦數者風發也以飲食消息止之按弦小緊者之小字當是沈字則有可下之理弦緊者當是弦浮緊則有可發汗之理弦浮大者當是弦滑大則有可吐之理且不遺本文瘧脈自弦之意當改之補之○師曰陰氣孤絕陽氣獨發則熱而少氣煩冤手足熱而欲嘔名曰瘧瘧若外無不寒者邪氣內藏於心外舍分肉之間令人消鑠肌肉按此言瘧瘧其文脫簡內經已詳不復釋○溫瘧者其脈如平身無寒但熱骨節疼痛煩時嘔白虎加桂枝湯主之按此言溫瘧其文脫簡內經已詳不復釋○瘧多寒者名曰牝瘧蜀漆散主之按此言牝瘧其文脫簡內經已詳不復釋

中風歷節第五

寸口脈緩而緩則為風緩則為虛榮緩則為亡血衛緩則為中風邪氣中經浮者血虛絡脈空虛賊邪不瀉或左或右邪氣反緩正氣即急正氣引邪喘僻不遂邪在於絡肌膚不仁邪在於經即重不勝邪入於府即不識人邪入於藏古即難言口吐涎按寸口脈浮而緊緊則為寒浮則為虛寒虛相搏邪在皮膚此五句原文在本條之首當在後條之首寸口脈遲而緩遲則為寒榮緩則為亡血衛緩則為中風邪氣中經此六句原文在後條當在此條之首文氣始各得相屬必係錯簡當移之其中有浮者血虛一句必是衍文當刪之○寸口脈遲而緩遲則為寒二遲字當是浮字寒字當是風字始與文義了然且遲緩二脈不能並見當改之○寸口脈浮而緊緊則為寒浮則為風風寒相搏邪在皮膚則身癢而癢疹心氣不足邪氣入中則胸滿而短氣按浮則為虛寒虛相搏二虛字應是風字當改之○味酸則傷筋筋傷則緩名曰泄泄則傷骨骨傷則痿名曰枯枯泄相搏名曰斷榮氣不通衛不獨行榮衛俱微三焦無所御四屬斷絕身體羸瘦獨足腫大黃汗出脛冷假令發熱便為屈節也病歷節不可屈伸疼痛為頭湯主之按名曰斷泄之泄字當是絕字始與下文相屬當改之○諸肢節疼痛身體羸瘦脚腫如脫頭眩短氣溫溫欲吐桂枝芍藥知母湯主之按溫溫應是嘔嘔當改之

血痺虛勞第六

人年五六十其病脈大者痺俠背行若腸鳴馬刀俠癰者皆為勞得之按若腸鳴三字與上下文不屬必是錯簡當刪之俠癰之癰字當是瘰癧字且先勞後瘰先瘰後勞者有之從未見勞瘰先後病也當改之○勞之為病其脈浮大手足煩春夏劇秋冬瘕陰虛精自出疲弱不能行按陰寒精自出之寒字應是虛字當改之○男子面色白者主渴及亡血卒喘悸脈浮者裏虛也句當是衍文按脈浮者裏虛也句當是衍文按此夫失精家少腹弦急陰頭寒目眩髮落脈極虛芤遲為清穀亡血失精脈得諸芤動微緊男子失精女子夢交桂枝龍骨牡蠣湯主之按此條脈得諸芤五句與上文義不屬衍文也另分一條在本門十二條之次○脈弦而大弦則為減大則為芤減則為寒芤則為虛虛寒相搏此

名為革婦人則半產漏下男子則亡血失精按此條註詳見傷寒論辨脈篇內故不復釋
五勞極虛羸瘦腹滿不能飲食緩中補虛食傷憂傷飲傷房室傷飢傷勞傷經絡榮衛氣傷內有乾血肌膚甲錯兩目黯黑大黃虜蟲圓主之
按兩目黯黑句下緩中補虛四字當在不能飲食之下必是傳寫之謬當移之

肺痿肺癰欬嗽上氣第七

問曰病欬逆脈之何以知此為肺痿肺癰當有膿血吐之則死其脈何類師曰寸口脈微而數則為風數則為熱則汗出數則惡寒風中於衛呼氣不入熱過於榮吸而不出風傷皮毛熱傷血脈風舍於肺其人則咳口乾喘滿咽燥不渴時嚕濁沫時時振寒熱之所過血為之凝滯畜結癰膿吐如米粥始萌可救膿成則死按肺癰之上當有肺痿二字不然本文論肺痿之義則無著落必是脫簡當補之脈微之三微字當是三浮字始與文氣相屬當改之因逆上氣咽喉不利止逆下氣者麥門冬湯主之按大逆上氣之大字當是火字文義病集始相屬當改之

腹滿寒疝宿食第十

腹滿時減復如故為寒當與溫藥宜厚朴生薑甘草半夏夏人參湯主之按此篇無虛寒腹滿之方當與溫藥之下當有宜厚朴生薑甘草半夏夏人參湯主之十四字必是脫簡閱傷寒論太陰篇句知當補之病者痿黃而不渴中寒實而利不止者死按躁而不渴當是燥而不渴文氣通順胸中寒定當是胃中寒定若是胸中寒定如何曰下利不止者死當改之其脈數而緊乃弦狀如弓弦之不移脈數弦者之十九字當是衍文閱脈緊大而遲者必心下堅當下其寒脈大而緊者陽中有陰可下之按其脈數而緊乃弦狀如弓弦之不移脈數弦者之十九字當是衍文閱傷寒論辨脈法自知刪之當下其寒四字當在必心下堅之下文義始屬當移之○脇下滿痛發熱其脈緊弦此寒也以溫藥下之其大黃附子湯按脇下偏字當是滿字當改之按之心下滿痛有潮熱者此為實也當下之宜大柴胡湯按之心下滿痛之下當有有潮熱三字若無此三字則不當與大柴胡湯當補之○腹痛脈弦而緊弦則衛氣不行即惡寒緊則不欲食邪正相搏即為寒疝遶臍痛苦發則汗出手足厥冷其脈沉緊者大烏頭煎主之按此條脈重出下條有證無脈其脈沈緊者五字當在下條裡急之下然脈弦而緊是勁緊之甚當屬寒疝之重者其白汗之白字當是自字改之下條其脈沈緊是裡痛之脈當屬寒疝之輕者當移之○寒疝腹中痛及脇痛裡急其脈沈緊者當歸生薑羊肉湯主之按脇痛裡急之下當有上條其脈沈緊四字○寒疝腹中痛逆冷手足不仁若身疼痛多刺諸約不能治抵當桂枝湯主之按抵當二字衍文也○問曰人病有宿食何以別之師曰寸口脈浮而大按之反濇尺中亦濇而濇故知有宿食大承氣湯主之按尺中亦微而濇之微字當按傷寒論作大字是當改之

五藏風寒積聚第十一

五藏風寒積聚第十一

不可為後世法不釋○肝著其人常欲蹈其胸上先未苦時但欲飲熱按旋覆花湯主之○心傷者其人勞倦即頭面赤而下重心中痛而自煩發熱當臍跳其脈此為心藏傷所致也按其脈弦之弦字當是沈字沈為腎脈文

義相屬當改之○邪哭使魂魄不安者血氣少也血氣少者屬於心心氣虛者其人則畏自欲眠夢遠行而精神離散魂魄妄行陰氣衰者為

陽氣衰者為按陰氣衰者為癰字當是狂字陽氣衰者為狂之狂字當是癰字內經曰重陰者癰重陽者狂當改之○跌陽脈

浮而滿浮則胃氣強滿則小便數浮滿相搏大便則堅其脾為約麻子仁丸主之按此條註詳見傷寒論陽明篇內故不復釋○問曰病有積

有聚有聚氣何謂也師曰積者藏病也終不移聚者府病也發作有時展轉痛移為可治聚氣者脇下痛按之則愈復發為按聚氣諸積

大法脈來細而附骨者積也寸口積在胸中微出寸口積在喉中關上積在臍傍上關上積在心下微下關積在少腹尺中積在氣衝脈出左

積在左脈出右積在右脈兩出積在中央各以其部處之按聚作聲解見前篇

驚悸吐衄下血胸滿瘀血第十二

病人面無血色無寒熱脈弦者衄脈弱手按之絕者下血煩數者必吐血按脈沈當是脈浮脈浮當是脈沈沈文義始屬當改之○寸口

脈弦而大弦則為減大則為乳減則為寒乳則為虛寒虛相搏此名曰革婦人則半產漏下男子則亡血按此條註詳見傷寒辨脈篇內故不

復釋○心氣不足吐血衄血瀉心湯主之按心氣不足二字當是有餘二字若不足如何用此方治之當改之

痰飲咳嗽第十三

夫病人飲水多必暴喘滿凡食少飲多水停心下甚者則悸微者短氣脈雙弦者寒也諸句文義不屬另分一條在本門二十七條之次○假令病人臍下有悸吐涎沫而

瘦字當是病字癰眩之癰字當是巔字巔者頭也文義始屬當改之

夫心下有留飲其人背寒冷如掌大留飲者脇下痛引缺盆欬嗽則轉甚胸中有留飲其人短氣而喘四肢歷節痛脈沈者有留飲按

此條古本於四肢歷節痛之下有脈沈者有留飲一句當另為一條始合論脈之義短氣而渴之渴字當是喘字四肢上當有缺文○病者脈

伏其人欲自利利反快此為留飲欲去故也雖利心下續堅滿甘遂半夏湯主之按心下續堅滿句下此為留飲欲去故也八字當在利反快

之下此傳寫之誤當移之○水在心心下堅築短氣惡水不欲飲水在肺吐涎沫欲飲水水在脾少氣身重水在肝脇下支滿噎而痛水在腎

下悸按心下悸之心字當是臍字當改之○支飲滿者厚朴大黃湯主之按支飲胸滿之胸字當是腹字若是胸字無用承氣湯之

理當改之○脈弦有寒飲冬夏難治按脈弦數之數字當是遲字始與寒飲之理合當改之○欬逆倚息不得卧小青龍湯主之青龍湯

已多唾口燥寸脈沉尺脈微手足厥逆氣從少腹上衝胸咽手足痺其面翕熱如醉狀因復下流陰股小便難時復冒者與茯苓桂枝五

御纂醫宗金鑑

卷二十五

金匱要略註正誤存疑篇

六

味甘草湯治其氣衝按小青龍湯下已之下字當是汗字益大小青龍湯皆汗劑也當改之

消渴小便利淋第十四

厥陰之為病消渴氣上冲心中疼熱飢而不欲食食即吐蛇下之利不止按此條是傷寒論厥陰經正病與雜病消渴之義不同必是錯簡○寸口脈浮而遲浮即為虛遲即為勞虛則衛氣不足勞則營氣竭按此條當在虛勞篇中錯簡在此○跌傷脈浮而數浮即為氣數即消穀而大便堅氣盛則洩數即堅數相搏即為消渴按而大堅句不成文大字下當有便字當補之

水氣病第十五

少陰脈緊而沈沈為水小便即難

脈得諸沈者當責有水身體腫重按脈得諸沈者一條乃始論水病之脈當列於篇首但古本脈得諸沈之上少有少陰脈緊而沈四句文義不屬并有脫簡不釋且刪之

夫水病人目下有卧蠶面目鮮澤脈伏其人消渴病水腹大小便不利其脈沈絕者有水可下之四句與上文義不屬當另分為一條在本門五條之次始合裡水脈證○裏水者一身面目黃腫其脈沈小便不利故令病水假如小便自利此亡津液故令渴也越婢加朮湯主之按越婢加朮湯主之七字當在後太陽病脈浮而緊條內發汗即愈之下文義始屬必是錯簡在此觀其裡有水之文豈有用越婢加朮湯發表之藥自可知也○心水者其身重而少氣不得卧煩而躁其人陰腫按其人陰腫四字當在腎水條內錯簡在此當移之○腎水者其腹大臍腫腰痛不得溺陰下濕如牛鼻上汗其足逆冷面反瘦其人陰腫按面反瘦之下當補上條其人陰腫四字

師曰寸口脈遲而濇遲則為寒濇為血不足跌陽脈微而遲微則為氣遲則為寒寒氣不足則手足逆冷手足逆冷則榮衛不利榮衛不利則腹滿腸鳴相逐氣轉勝於榮衛俱勞陽氣不通即身冷陰氣不通即骨疼陽氣前通則惡寒陰氣前通則痺不仁陰陽相得其氣乃行大氣一轉其氣乃散寔則失氣虛則遺溺名曰氣分桂枝去芍藥加黃麻附子細辛湯主之按名曰氣分之下當補入下條桂枝去芍藥加黃麻附子細辛湯主之十五字○氣分心下堅大如盤邊如旋杯水飲所作桂枝去芍藥加黃麻附子細辛湯主之按氣分心下堅大如盤邊如旋杯水飲所作

飲所作之十六字當是衍文觀心下堅之本條自知桂枝去芍藥加黃麻附子細辛湯主之十五字當在上條氣分之下文氣始屬正是氣分之治法必是錯簡在此當移之○脈浮而洪浮則為風洪則為氣風氣相搏風強則為隱疹身體為瘡瘡為洩風久為癰癰氣強則為水難以俯仰風氣相擊身體腫汗出乃愈惡風則虛此為風水不惡風者小便通利上焦有寒其口多涎此為黃汗按身體洪腫之洪字當是浮字改之此為黃汗四字當是衍文○太陽病脈浮而緊法當骨節疼痛反不疼身體反重而痠其人不渴汗出即愈此為風水惡寒者此為極虛發汗得之渴而不惡寒者此為皮水身腫而冷狀如周痺胸中窒不能食反聚痛暮躁不得眠此為黃汗痛在骨節欬而喘不渴者此為

肺脹其狀如腫發汗即愈越婢加朮湯主之然諸病此者渴而下利小便數者皆不可發汗按此條之脈得諸沈者一條乃始論水病之脈當列於篇首但古本脈得諸沈

此方試誤 需要完整PDF請訪問 www.ertongbook.com